



4.- 4. D. 50.





CANONES
TRIVM CONGRE-
GATIONVM CENERA-
LIVM SOCIETATIS
IESV.

Auctoritate tertiæ congregationis
confecti,



ROMAE, In collegio Societatis IESV.
M. D. LXXIII.

Cum facultate Superiorum.



TRIVM CONGRS

ATTORNI OFFICIA
LIV SOCIETATE

Alfabetico delle società
1854



LIBRERIA
DELLA
UNIVERSITA
DELLA
CASA
DELLA
CASA
DELLA
CASA

ROMA, in Roma Società 1854

M. D. LXIII

LIBRERIA
DELLA
UNIVERSITA
DELLA
CASA
DELLA
CASA
DELLA
CASA

Confessione di Fede

CANONES TRIUM CONGREGATIONVM GE- NERALIVM SOCIETA- TIS IESV.

Auctoritate tertiæ Congre-
gationis generalis
confecti.



PRIMVS CANON.

Ex pri.
congr.
tit. 6.
decre.
48.



OMNIS probationis potius
us propè Collegia, quàm
prope Domos professorum
tenenda videbantur Con-
gregationi.

Circa
examē.
Cap. 1.
§. 4.

Ex. 2.
19.

2 Curetur ut in quavis prouincia Domus
aliqua probationis, vel coniuncta Collegio
(in habitatione tamē distincta vel separata)
quàm cito commodè fieri poterit, institua-
tur; & biennio, ac benè probentur Nouitij,
non litterarum, sed mortificationis, ac profe

Cap. 1.
§. 12.

A. 2. Etus

Etus spiritualis studio vacando. In secundo tamen anno possit a Prouincialibus, ex commissione Generalis, circa studium dispensari habitatione personarum, locorum, & temporum, prout in Domino expedire iudicabitur. Nouitij verò non modo ad vota emittenda non sunt hoc biennio instigandi, sed si sponte emitterent, nō sunt admittendi ad ea renouanda cū alijs, qui biennium expleuerunt, sed seorsum id faciant.

Ex 3. d. 3. Actus ille, quo is, qui in Societatem admittitur, promittit se post primū annum bona sua distributurum, nec votum est, nec solū propositum, sed promissio simplex illa conditione affecta, scilicet, si is perseuerauerit, & superior illi iniunxerit, constitutio vero (vt sonat) obseruanda est: Praxis autem constitutionis huius iudicio Præpositi Generalis (qui maius Dei obsequium intuebitur) est relinquenda.

Cap. 4.
§. 2.

Ex 2. d. 4. Propter difficultatem quæ ingeri alicui posset ex vltima parte tertij paragraphi capituli quarti examinis, vbi consulendi præscribuntur aliqui ob distributionē bonorum in cognatos etc. nō censemus immutandā esse illam constitutionem, sed occurrendum scandalis, & sinistris opinionibus, si quæ ortæ sint.

Cap. 4.
§. 3.

*sint, vel oriri possint propter rei ignorantia
vel executionis praxim. Id verò diligenter
curabit Præpositus Generalis.*

- Ex pri.
ti.6.d.
61. 5 Nostri qui ante ingressum in Societatem
habebant beneficia, non cogantur ea relinque
re ante professionem, nisi iubente Generali
Commissario, vel Prouinciali post primum
annum probationis. Cap.4.
§.5.
- Ex 2.d.
10+ 6 Decretum est, vt nomen illud honorificū,
idest Don, vbi est insigne nobilitatis secula-
ris, de societate nostra omnino tollatur. Cap.4.
§.7.
- Ex 3.d.
69. 7 Si qui è nostris ad Carthusiensium ordi-
nem transirent, & redire ad societatem de-
nuo vellent, non tenetur societas ex ratione
sui instituti eos recipere. Cap.4.
§.42.
Circa
1. par.
cōstit.
Proc.
- Ex pri.
ti.6.d.
64. 8 Solus Præpositus Generalis auctoritatē
habet regulas condendi, & alij eam dunta-
xat, quam ab ipso acceperint; & cum ea si
quid ordinabunt, transmittant Præposito, vt
id examinet, et si videat expedire cōfirmet, §.1.
- Ex 2.d.
76. 9 Regulæ quæ incipiunt Summa sapientia,
examinentur, & emendentur a nostro Patre
Ex 3.d.
42. Generali cum Assistentibus, si qua emenda-
tione opus esset, habita ratione decreti septua-
gesimi sexti secundæ congregationis quantū
fieri possit; & emendatæ nomine Congrega-
tionis ab omnibus obseruandæ promulgen-
tur.

tur. Reliquæ verò & examinentur, & quo ad eius fieri poterit breuiores fiant, verum earum ratio habeatur, quas certò cōstituerit esse a Reuerendo Patre nostro Ignatio editas, si temporari consentaneæ, & bono vniuersali vtilis esse censebuntur: præcipuè verò regula officiorum, Prouincialis, Recloris, aliorum etiã officialium examinentur, & contrahantur.

Ex 1. ti. 10 Constitutiones firmæ, ac ratæ habendæ,
2. d. 1. & etiam obseruandæ sunt, prout in exemplari originali patris nostri Ignati habentur.

Ex 3. d. 11 Nullo modo expungendæ sunt constitu-
33. tiones, quæ ratione temporum, vel alias ob causas in praxi non sunt, sed potius oportet vt inuiolatæ permaneant, vt quales à sanctæ memoriæ Reuerendo Patre nostro Ignatio acceptæ sunt, tales identidem ad posteros trās mittantur. Notandum tamen erit aliqua ratione quod non obseruandum congregationes generales iudicauerint.

Ex 3. d. 12 Secunda constitutionum editio, quæ de-
41. 54. clarationes habet cum constitutionibus coniunctas, deinceps pro communi, & vulgata habeatur in Societate, saltim donec sequens futura congregatio aliud statuerit.

Ex 1. ti. 13 Seculares qui emittunt vota in ordine Cap. 3.
6. d. 50. militari vocato Christi possint ad Societate s. s.
nostram

nostram admitti, licet credatur non emissum
 ros professionem apud nos.

Circa
 3. par.
 cōlit.
 Cap. 1.

Ex 1. t. 14 In benedictione Mēse & actione gra
 6. d. 20. tiarum sequamur usum Romanum commu
 nem, & id in Refectorio: nā in priuata men
 sa antiqua consuetudo retineri potest: & non
 sedendo, sed stando, benedictio, & gratiarū
 actio fiat.

Ex 1. d. 15 Circa distributionem bonorum ex patri Cap. 1.
 18. monijs fratrum nostrorum prouementium, §. 9.

qui ea in subsidium Societatis dare cupientes
 Praepositi Generalis iudicio dispensationem
 relinquunt, probatur; quod idem pater Prae
 positus sensit, ut scilicet seruetur constitutio
 primi capitis tertiae partis, expressē mentio
 ne facta illorum verborum, quae in eadē pro
 uincia distributionem faciendam insinuant.

Et ea, quae continentur quarto capite exami
 nis, de dispositione bonorum, ita intelligenda
 sunt, ut instructio quaedam generalis sit, &
 lex, quae nostri debeant bona sua in veros Pau
 peres distribuere, pro deuotione tamen sua.

Quae verò in tertia parte, capite primo, para
 grapho nono continetur, intelligantur in par
 ticulari de illis bonis, quae fratres in benefi
 cium Societatis, siue in particulari, siue in ge
 nerali distribuere ex sua deuotione volunt. in

quo casu si Rectores & Prouinciales, iuxta declarationem eiusdem loci illis repræsentet, perfectius esse, ut bona sua dispositioni Præpositi Generalis relinquunt, tunc declaratum est; ut hæc bona in eadem prouincia tantum & non alibi Pater Generalis debeat distribuere. Et ad hanc legem, & intellectu, quæ in nona parte, capite tercio, numero sexto habentur interpretanda sunt, si quo pacto de nostris fratribus intelligi possunt. Quod si aliquis imperfectionem secutus particulari alicui societatis nostræ loco extra prouinciã applicare sua bona velit, proponendum erit illi, ut dispositioni Præpositi Generalis relinquat, qui ea distribuet iuxta formam superius præscriptam, alias ea bona a societate nostra nõ admittantur, sed ea teneatur ipse in veros Christi pauperes extra societatem dispensare: si uero ea alicui Collegio intra prouinciã assignauerit, sit in manu Præpositi Generalis potestas probandi eam applicationem, vel improbandi. Atq; in hunc modum Cõstitutiones hæc posthac conciliandæ, intelligendæ, atque obseruandæ sunt.

Ex 3. d.
26.

16 Eadem prouincia, in qua primo capite tertiæ partis constitutionum distribuenda esse dicuntur bona nostrorum; quæ illi societati dare

dare volunt intelligēda est, in qua sunt ipsa bona, non aut, in qua quis societate ingreditur, aut versatur, aut alibi. Sumitur autē provincia nomen more societatis, prout. s. vni Præposito provinciali subest. Quod si in eadem provincia sint plura dominia diuersis principibus subiecta, seruetur eadem Constitutio, ut scilicet in transferendis huiusmodi bonis ex vno dominio in aliud eiusdem provincie, habeatur ratio Regum, Principum, ac aliorum potentatuum, ne illis causa vlla offensionis detur, sed omnia ad Dei gloriam cedant, Præter hæc autem, si quæ aliæ difficultates orientur, eas prudentia, & auctoritas Præpositi Generalis submoneat.

Ex 3. d. 17 Quamquam nostris, qui de bonis suis disposituri sunt, liceat pactiones cum suis parētib, & quibuscunque alijs de legitima parte, & alijs bonis ad se pertinentibus inire, ad monendi tamen sunt illi prius Societatem ipsam ad ea bona nullūius habere. Sed nec pactiones huiusmodi fiant, nisi prius Generalis Præpositus informetur de conditione disponētis, & de re tota, ut vniuersa huius rei praxis ex ipsius iudicio exerceatur.

Ex 2. d. 18 Casus reservati, qui a Reuerēdo patre no Cap. 1.
79. stro Laynez editi sunt, retineantur, declara- S. 11.
tio

tio verò & ampliatio, vel restrictio casuum spectat ad Reuerendum Patrem Generalem.

Ex 3.d. 19 Regula illa de separata Mensa Superiorũ, de qua in prima congregatione facta fuit mētio, de cetero vim nō obtineat, per hoc tamen non excluditur antiqua illa consuetudo a Patribus Generalibus cum ratione obseruata tã in sua Mensa, quàm vt etiam cum alijs ex causa dispensetur, prout in Domino magis expedire existimauerit ipse Reuerendus Pater Generalis. Cap. 2. §. 2.

Ex 2.d. 20 In singulis provincijs, vbi, & quando cōmodè fieri poterit curetur saltem vnum institutum seminarium Societatis perfectum ad formandoſ professores, & alios operarios vniuersæ Christi in humanioribus litteris, Philosophia, & Theologia, et toti provincie postea sufficiant; sed vbi nostri docendi munus obitu- ri sunt paulatim, non præpropere huic negotio promouendo dent operam. Circ. 4 par. const. P. oe. §. 1.

Ex 1. ti. 21 Habeantur amici, qui protectionem suscipiāt Collegiorum sed nomina iuridica, quæ iurisdictionem dicant, vitanda sunt ne aliquando plus satis sibi sumāt huiusmodi homines. Cap. 1. §. 3.

Ex 1. ti. 22 Exequiæ celebrari possunt in Ecclesijs nostris in morte Principum, fundatorum, vel
6.d. 41. de So

de Societate benemeritorum, quando pro eis huiusmodi exequiæ publicæ fieri solent per Ecclesias ciuitatum, & id nostro modo simplici absque pompa pheretri cum sacibus, & hoc non quasi ex Constitutione obseruetur, sed ex permissione Præpositi fieri possit.

Ex 1. ti. 23 Concedenda est sepultura in nostris eccle-
6. 42. siis ijs, qui Collegiorum nostrorum fundato-
res extiterunt, vel foundationes iuuerunt, Præ-
cipibus etiam, & Prælatiis, qui id voluerint,
alys autem personis etiam benemeritis, non
est id sine facultate Præpositi Generalis con-
cedendum: quicumq; tamen illi fuerint, non vi-
dentur ea officia pro eis publicè dicenda, quæ
pro nostris fratribus defunctis dicere solemus,
& obseruetur ne cuiquam præiudicium fiat
in huiusmodi sepulturis, & vt nullus nostrum
sponte se offerat ad eam licentiam petendam,
& ne ius sepulturæ posteri eorum, qui ibidem
sepeliuntur, acquirant.

Ex 2. d. 24 Adhibeatur in posterum moderatio in Cap. 2
11. multitudine Collegiorum admittenda, rogatq; S. 1.
Ex 3. d. Patrem Præpositum Generalem Congrega-
30. tio, & serio commendat, utpotius applicet
animum ad roboranda, & ad perfectionem
adducenda Collegia iam admissa, quam ad
noua admittenda. Et si quæ ex ijs, quæ offer-
runtur

runtur, admittenda existimaret, eiusmodi
 sint, ut ad commune bonum Ecclesiæ Dei
 magnum momentum habitura videantur; et
 quo ad eius fieri possit ita dotata, vel eā verū
 vitæ necessariorum cōmoditatem habentia,
 ut non tantum operarij sustentari possint, sed
 & is etiam numerus scholasticorum iuxta
 formulam datam pro accipiendis collegijs à
 Reuerendo Patre nostro Magistro Laynez,
 qui pro seminario sit eidem Collegio futurus
 ad sui cōseruationem. Nec admittantur, licet
 hæc omnia suppetere, si non haberet socie-
 tas Rectores, ac magistros, & demum opera-
 rios in vita, & doctrina idoneos, ut huic mu-
 neri posse satisfacere, auditis assistentium
 sententys iudicaret; & quidem sine aliorum
 collegiorum detrimento.

Ex 2. d. 25. Si qua Collegia sint hætenus absq; suf-
 90. ficienti dotatione fundata, in quibus nec no-
 stri legant, nec scholasticos alant poterunt ta-
 men illa hæc ratione retineri, si ex fructibus
 videlicet eorum per publicam aliquam perso-
 nam cōseruatis detur opera, ut plenè fundē-
 tur, quemadmodum de Collegio Maioricen-
 si potest dici. Nostri tamē interim bonis illis
 non vtantur, sed ex elemosynis viuant, ac si-
 mul dent operam, ut prædicta Collegia suf-
 ficienter

Cap. 2.
 §. 2.

ficienter etiam aliunde dotentur.

Ex 3. 26 Collegia, in quibus propria Collegiorū
d. 67. munia non exercentur, vel quia inchoata qui-
dem, sed non plenè constituta sunt, vel quia
aëdificandi necessitas non patitur nostros lege-
re, nec scholasticos illic ali, Præpositus Gene-
ralis indicabit, an, & quamdiu ex eleemosy-
nis, vel ex redditibus viuere debeant, & fa-
ciet quod in Domino expedire indicauerit.

Ex 2. d. 27 Quod ad vñionem beneficiorum, quæ cu Cap. 2.
78. ram animarum habent, pertinet, diffinitum §. 4.
est, vt in futurum non admittantur.

Ex 1. t. 28 Non expedit vt Capellaniæ, quibus in
6. d. 55. seruiunt clerici seculares quos nostri possint
eligere, in nostris Ecclesiis erigantur.

Ex 1. ti. 29 Modus imponendus est aëdificijs Domo Cap. 2.
6. d. 34. rum, & Collegiorum nostrorum, vt. sint ad §. 5.
habitandum, & officia nostra exercendum
utilia, sana, & fortia, in quibus tamen pau-
pertatis memores videamur, vnde nec sum-
ptuosa sint, nec curiosa. De Ecclesiis tamen ni-
hil dictum est.

Ex 2. d. 30 Ad Reuerendum Patrem Generalem
103. referenda videtur forma, ac modus aëdificio-
rum nostrorum construendorū, vt ille iuxta
decretum aëtorum posteriorū præteritæ con-
gregationis, quod sibi in Domino visum fue-
rit, sta

borata confirmat.

Ex 1. 40 Initio concionum semper salutetur Bea- Cap. 8.
cong. ti. ta Virgo: siue proœmium præmittatur, siue §. 3.
6. d. 31.

non, superpellicio autem utendum est inter concionandum; Stola verò iuxta patriæ morem adhibeatur, vel non. In lectionibus sacræ scripturæ, etiam ad populum, superpelliceum non est adhibendum.

Ex 1. 41 Christiana doctrina canendo doceri po-
cong. ti. test: ubi ad maiorem ædificationem id fore
6. d. 58. observabitur.

Ex 2. 42 Rectores cum teneantur ex constitutione Cap. 10.
cong. ne, et declaratione decimi capitis quartæ par §. 10.
d. 84. tis doctrinam christianam legere vel docere

per quadraginta dies per se, vel per alium; expositum est, id debere præstari intra annum postquam officium Rectoris inierint continenter quadraginta diebus, vel interpollatim, primo quidem, quemadmodum doceri solent pueri, deinde etiam per conciones, si ita superior censuerit; præter illum annum eodem quidē nomine non tenebitur Rector, sed alio poterit cōmuni, ut in quodam decreto definitum est de professis, & coadiutoribus formatis.

Ex 2. 43 Ex declaratione ultima capitis decimi
cong. quartæ partis colligitur illas intelligi Consti-
d. 85. tutiones esse legendas quæ sunt propriæ, scho-

B. lasticor

lasticorum nostrorum: illæ verò cum contin-
neantur in regulis scholasticorum fit, ut illæ
regulæ sint legendæ publicè bis aut ter sin-
gulis annis: Eas aut curabit Pater Generalis
si opus fuerit, emendandas.

Ex 1. 44 Cathedræ publicæ in Vniuersitatibus, aut Cap. 13
cong. t. alibi cum ea disceptatione suffragiorum, & §. 3.
6. d. 39.

oppositione, quæ solet fieri, non sunt admitten-
dæ: si tamen sponte offerantur ab Vniuersita-
tibus, aut ReCTORibus earum, & gratis præle-
gatur, nec quisquā se opponat, cum quo sit di-
sceptandum, admitti possent cōsulto Generali.

Ex 1. 45 Proponi, et dari possent munuscula quæ
cong. t. dam (quæ præmia vocant) scholasticis exter-
6. d. 44. nis, ut earatione inflammentur ad studia lit-
terarum, dummodo fratribus nostris ne dem-
tur, nec externis nostro sumptu, & seruetur
modus honestus, & religiosus.

Ex 3. 46 Reuerendus Pater noster Præpositus Ge Cap. 14
cong. neralis commendatum magnopere habeat, §. 3.
d. 72. ut præceptores nostri, qui Aristotelem in-
terpretantur, nō nisi cū magno delectu inter-
prætes eos legant, qui contra Christiana dog-
mata impiè scripserunt, & maxime ad ea
impugnanda, quæ christianæ veritati aduer-
santur, & ita Philosophiam interpretentur,
ut veræ Theologiæ scholasticæ, quam nobis
commendant Constitutiones, ancillari, et sub-
seruire

seruire faciant.

Ex 2.
cong.
d. 83.

47 Visum est non expedire, vt breues cur-
sus Artiũ, vel Theologiæ instituantur, sed si
quis in coadiutorem spirituales instituendus
erit, is humaniorum litterarũ studio, et com-
pendio Dialectices contentus sit; quibus stu-
dijs instructus casus cõscientiæ audire potest.

Cap.
15. S. 2

Ex 2.
cong.
d. 8).

48 Non probatur vllum ad aliquam in no-
stris Vniuersitatibus facultatem esse promo-
uendum, quam nostri non profiteantur.

Cap. 15
S. 4

Ex 2.
cong.
d. 91.

49 Quemadmodum hætenus factum est in
quibusdam locis, vt nostri ita examinent pro-
mouendos ad ordines, aut curæ animarũ, ver-
bo Dei, vel confessionibus audiendis præfici-
endos, vt simul iudicium ferant de illorũ suf-
ficientia, et admissiõne, ita de cætero ne fiat,
quandoquidem iudicamus non esse consenta-
neum nostro instituto. Quod si examinandi
ministerium effugere nulla ratione possimus,
illud tamen retineamus, vt iudicium de ad-
mittendis, vel non admittendis non feramus,
sed illud omnino Prælati relinquamus. Pos-
sit tamen dispensare Reuerendus Pater Gene-
ralis, vbi hoc vtile, & expediens esse in Do-
mino iudicauerit.

Ex 1.
cong.
ti. 2. d.
21.

50 Constitutio decimisexti capitis quartæ
partis pertinens ad correctionem externorũ

Cap. 16
S. 5.

scholasticorum, ut iacet, est retinenda, & seruanda, sicubi tamen necesse fuerit, poterit dispensare Præpositus Generalis.

Ex 1. 51 In scholis nostris cum Vniuersitatum cu Cap. 17
cong. ram suscipimus, eos etiã admittere debemus, §. 3.
ti. 6. d.
40.

qui a societate post emissã vota defecerunt, nisi ex admissione graue scãdalum sequeretur, de quo iudex erit Præpositus Prouincialis; et ut rectius tunc huiusmodi homines excludi possint ipetranda esset facultas a fudatoribus

Ex 1. 52 Quæ insignia, ferre debent Doctores et Cap. 17
cong. ti. Magistri de societate in Vniuersitatibus, cum §. 8.
6. d. § 2.

publicis actibus præsidet, pertinet ad Præpositum Generalem determinare, ut ipse constitutiones Vniuersitatum declaret; non tamen incommodum videbatur, si nostri in his actibus publicis portarent aliqua insignia, in pileo præsertim, ut sunt fila illa serica, quæ ponuntur in medio pilei.

Ex 1. 53 Constitutiones quintæ partis circa pro- Cap. 3.
cong. ti. fessiones emittendas seruandæ sunt nec cari- §. 2.
2. d. 22.

Ex 1. 54 Institutio puerorum in doctrina christia Cap. 3.
cong. ti. na præter id quod ad probationes pertinet, §. 3.
6. d. 59. valde cõmendetur professis, ut hoc piũ opus iuxta litterarum Apostolicarum, & Cõstitutionum rationem exequantur. Pater quidẽ
noſter

Ex 2.
cong.
d. 77.

noster Ignatius iniunxit singulis professoribus, ut semel per quadraginta dies id facerēt
55 Quinvis professus quatuor, vel trium votorum, quinvis etiam coadiutor spiritualis formatus, post editam professionē, vel vota simplicia intra annum per quadraginta dies continuos, vel interpolatos, doctrinam Christianam pueros, atq; rudes personas docere teneatur. Præterea verò hoc tam sanctū exercitium visum est admodum Reuerendo Patri Generali commendandum, ne vlllo vnquam tempore illius obliuio in nostros animos irrepat, cum illud in votorum nostrorum formula complectamur. Curet itaque idem Reuerendus Pater Generalis, ut nostri frequentius (quemadmodum ipsi in Domino expedire visum fuerit) in hoc tam pio opere exerceantur.

Ex 1.
cong. ti.
6. d. 15.

Ex 2.
d. 82.

56 Circa vota simplicia coadiutorum, & Cap. 4
scholasticorum nihil de constitutionibus immutandum est. Siquid autem incommodi accidet, pro re nata provideatur.

Ex 2.
cong.
d. 96.

57 Quod attinet ad ordinationem nostrorū, qui non sunt professi, nulli videtur dari causa iustæ querelæ, quandoquidem nos utimur iure nostro: quod si nostros ordinatos contingat expelli a societate, tamen non tenebuntur eos Episcopi alere, cū, qui ordinatur ex societate

nas eleemosynas illas simpliciter, ac planè amore Dei petere. Ad donationes verò quas cunque, siue legata simpliciter etiā & planè possimus tantum nostras necessitates explicare, definitionem tamen eius deuotioni relinquamus, à quo petimus has etiam eleemosynas; ac proponere tantum illi possimus, vt ad orationem, & ad alia media accurrat, quibus possit de donatione, vel legato constituere iuxta id, quod ipsi Dominus inspirauerit, & ratio recta suaserit.

Ex 2.
cong.
d. 97.

61 Omni cura, labore, ac diligentia curemus ne arcula aliqua proponatur in nostris Ecclesiis ad eleemosynas accipiendas pro alijs, cum pro nobis tam sit necessarium eas poni non posse. vt non rem tantum eutemus, quæ nobis prohibita est, sed rei illius oëm speciẽ.

Cap. 2.
§. 8.

Ex 3.
cong.
d. 59.

62 Ad religiosam disciplinam, & pauper tatis rationem pertinet vt in peregrinationibus, & profectionibus nostri, quos ipsorum superiores id præstare posse indicauerint, in toto, vel in parte pedestri itinere vtantur: & ob eam causam Præpositus Generalis eam hac in re moderationem per se, ac Prouinciales adhibeat, quæ societatis nostræ instituto consentanea sit, curabitq; vt in equitando solius necessitatis, siue personæ, siue negotiorum,

Cap. 2.
§. 13.
14.

quam superiores mittentes iudicabunt ratio
habeatur.

Ex 1.
cong. ti.
6. d. 16.

63 De ratione vestium, ac pileorum, quibus Cap. 2.
§. 15.
laici nostri uti debeant nihil statuitur, sed ea
indumenti ratio probatur, qua nostri laici a
nostris sacerdotibus, & a secularibus homi-
nibus distinguantur, & ut vestitus honestus
sit iuxta morem patriæ, sed qui inseruiendi mis-
sis officium habent, clericali pileo utantur. De
superpelliceis nihil certi statuitur, sed si quam-
do expedire iudicaretur, ut huiusmodi Mini-
stri eis utantur, petatur facultas a Generali.

Ex 3.
cong.
d. 32.

64 Quod ad pileos coadiutorum tempora-
lium attinet totum negotium Patri Traposi-
to Generali relinquitur, qui, quod unicuique
Prouinciæ expedierit iudicabit: sic tamen ut
distinctio inter ipsos, & sacerdotes nostros,
ac seculares homines etiam seruetur.

Ex 1.
cong. ti.
6. d. 35.

65 Visum est congregationi barbam no-
stris non esse nutriendam.

Ex 1.
cong. ti.
2. d. 25.

66 Seruanda est constitutio tertij capitis Cap. 3.
§. 4.
sextæ partis, quæ dicit Vesperas cantari pos-
se, non item Missam, et non nisi ex grauissi-
ma causa dispensandum esse a Traposito Ge-
nerali ut Missa cantetur, & id tantum Do-
minicis diebus & festis.

Ex 2.
cong.
d. 22.

67 Iuxta constitutiones, & decreta præ-
rita congregationis, & habitatione finis,
quem

quem ipsæ cōstitutiones intēdūt possit Præpositus Generalis cantū Missæ, et Vesperarum in hunc, vel illum locum inducere, prout expedire in Domino iudicauerit. Vbi autem inditus esset, si inutilis ad finem nostri instituti, & proximorum ædificationē videretur, vel deessent qui bene id munus præstare possent, cōmittitur Præposito Generali, ut eū valeat reuocare, ac prohibere, si ita visum ei fuerit.

68 Cātus in Ecclesiis societatis iductus, iuxta declarationē tertij capitis sextæ partis sit deuotus, suauis, & simplex, nō figuratus, aut firmus, & in ijs tantum locis retineatur, vbi per nostros non admissis externis commodè exerceri potest, & finis quem prædicta cōstitutio proponit, et iuxta Canonem superiorem sexagesimū septimū, consequitur: locū tamen habeat dispensatio præsertim inter hæreticos, & infideles, quoad inductionem, retentionem, modum, & qualitatem cantus pro arbitrio Præpositi Generalis.

Ex 3.
cong.
d. 58.

Ex 3.
cong.
d. 57.

69 Processiones a nostris deinceps ne fiant, liberam tamen habeat Præpositus Generalis facultatem dispensandi circa eas retinendas, et instituendas, vbi ad Dei gloriā, et proximorum ædificationē, præsertim vbi vsu receptæ sūt, et maxime inter hæreticos, & vbi conuersioni infidelium opera datur, expedire viderit.

Diligen

Diligenter autem priuilegium a summo Pō-
tifice impetrandum curetur, quo a publicis
Ordinariis processibus eximamur: et
quamdiu non obtinebitur, si nostri ad publi-
cas supplicationes procedere cogentur, super-
pelliceis utantur, ut sicut in vestitu sequi de-
bemus, ita etiā in huiusmodi processibus,
communem honestorum clericorum habitu
sequamur. De loco tamen, & ordine proce-
dendi, statutum est, relinquendum id esse ar-
bitrio, & dispositioni eorum, a quibus nostri
ad processiones vocantur.

Ex 2.
cong.
d.80.

70 Omnia, quæ speciem habent secularis ne-
gotiationis, in colendis videlicet agris, ven-
dendis in foro fructibus, & similibus, intelli-
gantur prohibita esse nostris. Cap. 3.
§.7.

Ex 2.
cong.
d.74.

71 Lites forenses pro rebus præsertim tem-
poralibus fugiant nostri omnes, & id curēt.
Prouinciales efficere, ac primum compromif-
sione rem annittantur componere: quod si
nulla ratione id possint assequi, tamen non in-
tendat quisquam è nostris litem huiusmodi,
nec omnino litem aliquam absque consensu
Præpositi Generalis, aut eius, cui expressè
suas vices ad hanc rem ille commiserit. No-
stris autem si lis intendatur, curent Prouincia-
les primum. vel a parte, vel a iudice peti, vel
id con-

id consequi per Principem, ut prius possit cōsuli Generalis Præpositus, quàm liti respondere cogatur, nam fieri poterit ut Generalis Præpositus iubeat cedere nostros liti, & potius detrimentum temporale pati, quàm litibus dare operam, etiā pro re aliqui debita.

Ex 1.
cong.
ti. 6. d.
30.

72 Obseruetur circa vestitum sacerdotum mortuorum, quod de riuentibus dicitur in cōstitutionibus, ut scilicet utamur eo modo, quo sacerdotes honesti eius regionis, in qua versa mur, uti solent. Fratres autem, qui sacerdotes non sunt, sepeliantur eodem modo induti, quo alij clerici honesti, qui sacerdotes non sunt, indui solent. Seruetur autem, quod attinet ad officium pro defunctis Constitutiones, ubi in Ecclesia nostra funus celebrabitur, & numerus sufficiens nostrorum erit; ubi enim alterutrum deesset, possent externi vocari ad funera nostrorum.

Ex 3.
cong.
d. 62.

73 In singulis prouincijs seruetur mos antiquus in suffragijs præstandis pro ijs, qui in prouincia moriuntur, ut scilicet in eo loco, ubi quis deceßerit, singuli sacerdotes tria sacra, & singuli fratres tres coronas. In alijs verò prouinciæ locis duo sacra faciant, & duas coronas recitent. Pro alijs verò, qui extra prouinciā obeunt, singuli sacerdotes cuiusque prouin-

Ex 1.
cong.
d. 73.
Ex 3.
cong.
d. 33.

77 *Quædam sunt in ratione scribendi, quæ in declarationibus primi capituli octauæ partitis continentur, quæ modo bene obseruari non possunt: unde remedium per aliquam immutationem constitutionum in ea parte adhibendum est. Litteræ ad ædificationem spiritalem scribantur a singulis Rectoribus, et Præpositis localibus semel in anno, & illarum tot fiant exempla quot nationes a Reuerendo Patre Generali designatæ fuerint. Rectores, et Præpositi locales scribant singulis hebdomadis ad suum Prouincialem in Europa iuxta constitutiones. In India verò et Brasilia, ut suis Prouincialibus visum fuerit commodum, et opportunum. Missi autem ad fructificandum in agro Domini, scribant ad eum, quæ designauerit ille a quo missi sunt, singulis hebdomadis, vel quoties ipsi fuerit præscriptum, et illis quidam rescribant sui superiores semel in mense iuxta constit. his verò respondebitur, quoties iudicauerit is qui illos misit. Prouinciales omnium Prouinciarum Europæ, scribant ordinarie ad P. Gen. semel quolibet mense. Rectores autem, et Præpositi locales tertio quoque mense ad eundem scribant, ita tamen hæc accipiantur, ut extraordinarie possint scribere quoties necessitas urgebit. Prouinciales verò India, et Brasiliæ scribant Præposito Gen. quando se obtulerit navigationis commoditas*

Cap. 1.
§. 9.

de atque ex alijs.

Ex 2.
cong.
d. 52.

79 *Provinciarum institutio iuxta prioris congregationis decretum Præposito Generali relinquitur, qui tamen non nisi re diligenter considerata, & cum Assistentibus cõmunica* provincias instituere ad commune societatis bonum debeat.

Ex 2.
cong.
d. 24.

80 *Nullum tempus certum congregationi generali cogẽdæ præscribatur, sed tertio quo* que anno veniant simul ex omnibus provincijs procuratores, qui professi quatuor votorum, & viri maxime idonei sint a congregatione provinciali electi; & habeant ius suffragij simul cum Assistentibus, & ipso Patre Generali, qui duo suffragia, & qualitatem præcedendi habebit ad decernendum, an cogi debeat congregatio generalis nec ne. Cap. 2.

Ex 3.
congr.
d. 31.

81 *Professi trium votorum, seu nõ professi, cum Rectores, vel Ministri sunt, sacerdotes* tamen, professis quatuor votorum, qui apud illos versantur, seu etiam diuertunt ex itinere iuxta regulæ communis præscriptum, præse se possunt, ac debent. Professi autem huiusmodi quatuor votorum ad obedientiam illis præstandam, ac subiectionem, iuxta communem locorum, ubi illi præsunt, ordinem, ac regulas teneantur. Neque id aduersatur declarationi Cap. 3.
§. 1.

tertij capitis octaua partis, aut Decreto primæ congregationis.

Ex 2.
cong.
d. 3.

82 Constitutiones circa Procuratores, qui cum Præposito Prouinciali, præter duos electos ad eligendum Præpositum Generalem mittuntur a Congregatione Prouinciali, vel adducuntur ab ipso Præposito Prouinciali, seruentur: sed cum tantum ad electionem vocatur Congregatio, terni veniant ex singulis prouincijs, scilicet Prouincialis cum duobus electis, nec ulli procuratores sunt adducendi, qui suffragium habeant; quod si Præpositus, vel Vicarius generalis, vel ij ad quos attinebit generalẽ congregationem conuocare, iuxta nostras Constitutiones, vel Decreta, iudicent aliquos esse adducendos ad negotia grauius tractanda, cum id significauerint Prouincialibus, vnus, vel duo possunt ex singulis prouincijs, vel a Congregatione Prouinciali, vel ab ipsis Præpositis Prouincialibus electi, venire, & quidem cum suffragio actiuo, & passiuo iuxta constitutiones, si vel coadiutores spirituales formati, vel professi trium, vel quatuor votorum fuerint: non aliter.

Ex 2.
cong.
d. 94.

83 Si contigerit Procuratores electos ex prouincijs India, et Brasiliæ in Europa esse, quando fit congregatio generalis, ad quam venire

inceps admittatur post Præpositi electionem.

Ex 1.
cong.
ti. 1.
d. 8.

89 Præpositum Generalem habere duo suf-
fragia, & præterea qualitatem præcedendi
ceteris paribus, intelligendum est in Congre-
gatione ipsa generali, et non quando inter ip-
sum & quatuor Definidores res sunt transi-
genda. tunc enim unum suffragium solum
habebit, cum prærogativa præcedendi in casu
paritatis.

Cap.
3. §. 2.

Ex 1.
cong. t.
2. d. 30.

90 Servandæ sunt Constitutiones octavæ
partis capite quinto circa tempus cõgendi Cõ-
gregationem. & si prorogatio esset faciem
daper Vicarium, & Assistentes, ad plura
suffragia fieri debet, si tamen exacto termi-
nopræscripto in initio venerint aliqui desi-
gnati ad Congregationem, habeant & illi suf-
fragium ad prorogationem temporis præ-
scripti.

Cap. 5.
§. 2.

Ex 2.
cong.
d. 99.

91 Secretarium eliget Congregatio ante
Generalis electionem, non solum qui electio-
ni ipsi subseruiat, sed qui Cõgregationibus, et
actis, si quæ fient, ante electionem; post ele-
ctionem autem, vel eundem ad illas Congre-
gationes, & acta confirmabit, vel alium eli-
get. Horum officium terminabit finis electio-
nis, vel Congregationis.

Cap. 6.
§. 6.

C. 2 Prima

- Ex 1. 96 Non solum in vniuersum, sed nec parti-
 cong.ti. culatim, de Constitutionibus substantialibus
 2.d.2. nostri instituti agendum est. De alijs in Con-
 Ex 2. gregatione tractari potest, sed sine experimē-
 cong. to, vel ratione clarissima nihil mutari possit.
 d.9. Licet tamen de omnibus declarationem pete-
 re, referendo ad Congregationem vt ipsa cen-
 seat, qua declaratione sit opus.
- Ex 1. 97 Quod dicitur septimo capite Constitutio Cap.7.
 cong.ti. num octauæ partis si rebus agitatis, nihil fe- 5.3.
 1.d.6. re omnium consensu constitueretur, exponen-
 dum esse, to Omnium cōsensu, intelligi de ma-
 iori parte suffragiorum, cui standum est.
- Ex 2. 98 Sufficiat ad discernendum quiduis, etiā
 cong. ex grauioribus, plus quā media pars eo-
 d.10. rum qui legitimē congregati sunt in Congre-
 gatione generali, dum modo non agatur de ijs,
 quæ pertinent ad substantiam nostri instituti.
 De rebus minus grauibz ad plura suffragia
 possit definire Congregatio.
- Ex 1. 99 Post Decretum Congregationis pla-
 cong.ti. næ, vel etiam Definitorum cum Præposi-
 1.d.9. to, conceditur cuius una intercessio, id est
 facultas contradicendi in re quauis. In
 abrogatione autem alicuius veteris Con-
 stitutionis, vel nouæ institutione, etiam

duæ intercessiones permittuntur. Standum est nihilominus, siue semel, siue bis intercedatur illorum definitioni, penes quos est facultas de finiendi.

- Ex 1. 100 Cum Definitores eligendi sunt, per scru-
cong. t. tinium ad maiorem partem suffragiorum eli-
i. d. 7. gi eos oportet.
- Ex 2. 101 Eligendi præterea a Cōgregatione vi Cap. 7
cong. dentur duo Patres eiusdem Cōgregationis ad §. 5.
d. 100. suffragia enumeranda, & conficienda De-
creta. cum Secretario Congregationis.
- Ex 2. 102 Librum habeat Secretarius Congrega-
congr. tionis, in quo quæ confirmata erunt Decreta
d. 98. contineantur. & ea quidem ante dissolutio-
nem Congregationis simul leget in plena Cō-
gregatione Secretarius, et sua manu subscri-
bet, & sigillo Societatis munit.
- Ex 3. 103 Placuit Congregationi, ut ex actis post
cong. electionem Generalis, huius præsentis, et dua-
d. 15. rum præcedentium Cōgregationum Canones
53. qui ad obseruantiam, & praxim commu-
nem pertinere possent, desumerentur, & seor-
sum imprimerentur, & soli euulgarentur.
Reliqua verò Congregationū acta, & decre-
ta asseruarentur, commissitq. Patri nostro
Generali, ut nulla facta sensus mutatione il-
los extrahi curaret.

Non

- Ex 1. 104 Non est soluenda Congregatio pro soli-
 cong. ti. us Præpositi Generalis arbitrio sine consensu
 7.d.1. ipsius Congregationis, quæ Generali super-
 rior est. Circa 9
 partem
 consti,
 Cap. 1.
- Ex 1. 105 Visum est nemine discrepante Præposi-
 cong. ti. tum Generalem omnino perpetuum esse debe-
 2.d.33. re iuxta primum caput Constitutionum quar-
 tæ partis, & eius declarationem, re ex par-
 te summi Pontificis proposita in Cōgregatio-
 ne, & cum die sequenti idem proponeretur,
 idem Congregatio sensit.
- Ex 2. 106 Sua legitima potestas ad mutationes Cap. 3.
 cong. personarum constare debet Præposito Gene- §.2.9.
 d.16. rali, cui Cōstitutiones eam tribuunt, siue ab
 uno in alium locum eiusdem provincie, siue
 diuersæ mutari conueniat; & etiam Prouin-
 cialibus intra suas provincias iuxta Constitu-
 tiones. Curandum tamen est per superiorum
 prudentiam, ut non sine causa alicuius mem-
 bris, nec cum detrimento eorum a quibus aliqui
 remouentur, tales mutationes fiant.
- Ex 1. 107 De carceribus tenendis, ius quidem est Cap. 3.
 cong. ti. penes Societatem; quo ad usum autem nihil §.10.11
 6.d.37 statuitur, sed ea cura Præposito relinquitur.
- Ex 2. 108 Ut triennium designatum est Prouin- Cap. 3.
 cong. cialibus, quo officium gerant suum, ut habet- §.14.
 d.87: tur tertio capite nonæ partis Constitutionum,

non videtur similiter agendum in Reſtori-
bus, nec addendum præterea ad Conſtitutio-
nes, quæ de hoc nihil decernunt.

Ex 2. 109 Superintendentis officium, vel nomen
cong. uſurpandum non eſt in Societate, niſi ubi pro
d. 105. arbitrio Patris Generalis, neceſſitas vel ma-
gnitudo Collegij utrumque poſtulauerit, nec
enim nomen tantum retinendum eſt.

Ex 1. 110 Non expirat poteſtas Prouincialium, Cap. 3.
cong. ti. & aliorum officialium per mortem Præpoſiti
i. d. 1. ſiti Generalis, nec per electionem noui, donec
ſ. 14. 15 diſſoluatur Congregatio generalis; quodque
non licet Præpoſito mutare huiusmodi offi-
ciales uſque ad diſſolutionem Congregationis,
niſi eidem præfatæ congregationi, aliquæ
eſſe mutandum videretur.

Ex 2. 111 Iuxta Conſtitutiones noſtras, & ratio
cong. nis dictamen videatur, ac declaretur a Patre
d. 14. Generali, quæ ſit ordinaria, & omnibus Pro-
uincialibus, ex æquo conferenda poteſtas, quæ
autem extraordinaria, & pro ratione loci,
temporis, & perſonarum huic potius, quàm
illi communicanda: ut priorem illam, omni-
bus; poſteriore hanc, iſ conſerat Præpoſi-
tus Generalis, quibus ad bonam gubernatio-
nem in hac vel illa prouincia, conuenientem
fore indicauerit.

Comitti

Ex 3.
cong.
d. 27.

112 Cōmittitur Patri Reuerendo Præposito Generali, ut videat an Domus Professorum, in magnis ciuitatibus, quæ Societate habere desiderant, erigi debeant: Et an curandum sit, ut plures huiusmodi Domus Professæ, et pauciora Collegia haberentur, eidemq. commendat, ut erigendis eiusmodi Domibus animam applicet, ipsius tamē prudentiæ tēpus et locū, et modū relinquit, quo id effici debeat.

Cap. 3.
§. 17.

Ex 3.
cong.
d. 63.

113 Domus Professæ fundatorem habere possunt, quemadmodum, & Collegia. Fundator autem Professæ Domus, ille censeri debet, qui dat Ecclesiam necessarijs rebus ad cultū Dei ornatam, præterea domum supellectili domestica & libraria sufficienter instructā. Tro huiusmodi autem fundatore ea suffragia in ipsa Domo & Prouincia, in qua Domus erigitur, exhibebuntur, quæ constitutio quartæ partis capite primo pro Collegiorum fundatoribus in tota Societate exhibere præscribit, excepta candelæ traditione.

Ex 1.
cong. ti.
6. d. 12.
13.

114 Cōmissarij non erunt officiales ordinarij, sed prout visū fuerit Præposito Generali expedire. Post mortē verò Præpositi, expirat Cōmissariorū potestas, nec ratione officij suffragiū habebūt ad electionē noui Præpositi, nisi alioqui eligerentur inter illos ternos de quauis

Cap. 3.
§. 20.

tuendo ratio seruetur, quæ in substitutione
Assistentium seruanda est.

Ex 2.
congr.
d. 51.

118 Assistentium, & Admonitoris of-
ficia usq. ad noui Generalis electionem du-
ratura esse decernitur, nam post Præpositi Ge-
neralis decessum, iidem erunt Assistentes,
idem Admonitor Vicarij Generalis.

Ex 1.
congr. ti.
6. d. 1.

119 Cum Societas committere debeat Assi- Cap. 5.
sistentibus vices suas quod attinet ad suam pro §. 2.
uidentiam circa Præpositum, cumque iidem
Consiliarij Præpositi esse, & in rebus ad do-
ctrinam & res gerendas pertinentibus, eun-
dem subleuare, & alia nostri instituti ministe-
ria exequi debeant, bonos, fideles, Societatis
& communis boni amatores, discretionis do-
no præditos, in rebus gerendis versatos, &
ad conuersationem cum hominibus idoneos
esse eos oportet, & ab iisdem, qui Præposi-
tum Generalem elegerint, inter absentes, &
præsentes professos, vel qui apti sint ad pro-
fessionem emittendam, & si fieri possit ex
varijs provincijs eligantur.

Ex 1.
congr. ti.
6. d. 3.

120 Cum dicatur quarto capite nonæ par-
tis, prouidentiam Societatis circa Præpositum
Generalem esse primo circa externa, secundo
circa corpus, tertio circa animam, et in quin-
to capite sequenti dicatur, quod per Assisten-
tes

tes exerceat Societas hanc providentiam qui in tribus dictis dicent, & facient quod in Domino iudicauerint expedire, quæsitum est, quomodo intelligi oporteat illud Dicent, & facient, & statutum est, to Dicere, ei facere, ita interpretandum esse, ut coniunctim ad tria referatur; Facere quidem, & dicere ad duo priora; Dicere tantum, idest, admonere, per personam ad id deputatam, ad tertium referendum esse.

Ex 1. 121 Assistentes idonei, & ijs dotibus præ Cap. 5.
cong. diti: quas Constitutiones requirunt, eligendi §. 3.
d. 25.

sunt, & quidem ex quatuor nationibus in quantum fieri possit, iuxta uniuscuiusque conscientiam. Antiqui autem Assistentes, inter Prouinciales habeant locum, secundum ordinem, & tempus suæ professionis, ad suam sententiam dicendam: Noui verò, si in ipsa Congregatione iam sint, maneat in suis locis pro eius Congregationis tempore, in qua electi sunt, statim tamen sua potestate, & munere fungi incipiant in ijs, quæ iuxta Constitutiones eis legitimè conueniunt circa Patrem Præpositum, nam quod ad Congregationem ipsam attinet, nihil ij, nisi suum suffragium, ut ceteri habent.

Ex 1. 122 Sine consensu Societatis non possit di
cong. ti. mitti
6. d. 5.

mitti officiū *Assistentis*, etiam ob aduersam
valetudinem in aere Romano, quod si per So
cietatē id licebit, Cōstitutionum ordo, in alio
substituendo seruetur.

Ex 1. 123 Si Pontifex quempiam ex *Assistenti*
cong. ti. bus aliquo mittere vellet, discretioni Genera
6. d. 7. lis relinquitur, an eum informare debeat, vt
potius alium mittat; vt plurimum tamen, in
formari ab eo Pontificem oportet.

Ex 1. 124 Si mittatur *Assistens* a Præposito ex
cong. ti. tra locum, in quo ipse residet, non se excusare
6. d. 4. debet, sed obedire; ipſius tamen erit Præposi
ti Cōstitutionū meminisse, quæ nō esse facile
ālegandū quempiam *Assistentiū* statuunt.

Ex 1. 125 Si malè se gereret *Assistens*, adeo, vt
cong. ti. indignus videretur eo loco, posset interim su
6. d. 8. spendi ab officiū executione a Præposito Ge
nerali, non tamen omnino remoueri, nisi de cō
sensu Societatis iuxta Cōstitutiones. Poterit
tamen alius a Præposito constitui, prout illæ
dicunt, in casu mortis, & diurnæ absentiae.

Ex 2. 126 Pater Generalis erit Præpositus Do Cap. 6.
cong. mus Romanæ, & habebit Ministrum, & §. 5.
d. 67. 92 alios officiales, quorum opera vtatur ad gu
bernationem particularem eiusdem Domus.

Ex 2. 127 *Assistentes*, officio sibi a Congregatio Cap. 6.
cong. ne generali cōmiſſo incubant iuxta Cōstit. nec §. 10.
d. 93. alijs,

do Patre Præposito Generali, vel coram N.
locum Generalis Præpositi tenente, nunquã
me acturum quacunq. ratione, vel consensu-
rum, ut quæ ordinata sunt circa paupertatem
in Cõstitutionibus Societatis imminuantur, ni-
si quando ex causa iustarum exigentium;
videretur paupertas restringenda magis.

Præterea promitto nunquam ne acturum
vel prætenfurum ne indirectè quidem, ut in
aliquam Prælationem, vel Dignitatem in So-
cietate eligar, vel promouear.

Promitto præterea, nunquam me curaturũ,
prætenfurũve extra Societatem Prælationẽ
aliquam, vel Dignitatem, nec cosensurum
in mei electionem quantum in me fuerit, nisi
coactus obediẽtia eius, qui mihi præcipere po-
test sub pœna peccati.

Tum si quem sciam aliquid prædictorum
duorum curare, vel prætendere, promitto il-
lum, remque totam me manifestaturum Socie-
tati vel Præposito eius.

Insuper promitto si quando acciderit, ut
hac ratione in Præsidem alicuius Ecclesiæ
promouear, pro cura, quam de animæ meæ sa-
lute, ac recta muneris mihi impositi admini-
stratione gerere debeo, me eo loco, ac numero
habiturum Præpositum Societatis Genera-
lem, ut

47

FORMVLA ACCEPTANDORVM COLL
GIORVM DATA A REVERENDO PA
TRE NOSTRO M. LAYNEZ

Generali Præposito Societatis I E S V, de
qua fit mentio Canone quinto se-

Ex 2.
congr.
Can. 5.

cundæ Congregationis gene
ralis, & vigesimoquarto
trium Congrega
tionum.



Circa
4. partē
const.
Cap. 2
§ 1. 2.

Consideratis operibus, et ministeriis, qui-
bus ad Dei gloriam, & animarū profectum
Societas nostra occupatur; & considerata
etiā obligatione charitatis, qua ex instituto
tenemur in illis perseverare; re prius præme-
ditata, & cum Patribus Assistentibus ad
consultationem adducta, & Domino commē-
data, Visum est mihi, ut in Collegiis, quæ
deinceps Divina Maiestas fundare dignabi-
tur, novæ à nobis obligationes non admittan-
tur; sed qui divino instinctu, & Dei obse-
quio, quod Deo præstatur in Societate, ac uti-
litate, qua Dei gratia proximi inuātur, cō-
motus, Collegium aliquod fundare voluerit;
purè, et liberè absq. conditione, vel modo;

D donatio-

donationem faciat dotationis quam Domino Deo nostro offerre vult. Societas verò non ex noua obligatione, sed ex illa sua antiqua, quam vt diximus habet, curet vt secundum numerum eorum, qui ex tali fundatione sustentari poterunt, in tali Collegio numerus operariorum constituatur, qui quidem in illo, iuxta nostrum institutum se exerceant in vinea Domini, de cuius diuina bonitate speramus, si Christiana hac simplicitate, quæ ipsi innititur, progrediamur, Societatem perseueraturam puriorem, nec desituram illud præstare, ad quod secundum suam vocationem, obligatur; Fundatoris etiam intentio ita implebitur; simulque tollentur hinc inde causæ inquietitudinis, quæ ex humanis cautionibus oriri possunt, & solent; quæ quantumuis caute, & circumspectè transigantur, nihilominus semper ab humana astutia labefactari possunt, vt ipsa experientia ostendit, quæ tam in alijs Religionibus, quam in multis nostræ Societatis locis, nos docet, prædictum modum fundationis, partibus omnibus, benè cedere ad diuinum obsequium, et cõmune bonum, quod optatur.

DE VARIIS MODIS COLLEGIORVM,
& personarum numero, quæ videntur in
singulis necessarie.

- 2 In Collegio, vbi tres ponuntur præceptores litterarum humaniorum, quartus etiam esse debet, qui illis substitui possit, & tres sacerdotes, e quibus vnus Rector sit, reliqui duo vtilitati seruiant animarum. Vbi

vero tales septem operarij sunt, conuenit totidem saltem ibi scholares alere, vt illud perpetuum opus esse queat, succedentibus his in sacerdotum, & præceptorum locum, vbi aut morte, aut ægritudine, aut alijs de causis non possent officio suo fungi. Est etiam præter hos necessarius Minister vnus, cū coadiutoribus quinque, videlicet, Ianitore, Sacrista, Coquo, Emptore, & quodam alio, qui eos in omnibus adiunet. Minimum itaq. Collegiū, viginti cōstabit ex nostris, vltra quos, prouidendū erit, vnde Corrector, qui de Societate non sit, alatur, ad eos castigādos pueros, qui scholas frequētabūt, prout illi, ab ipsis præceptoribus præscribetur.

- 3 Si Collegium quinque præceptores habeat, ad humanas litteras, Latinas, Græcas, & Rhetoricam profectendum, substitutos alios duos habere necesse est, necnō quatuor, quique ne sacerdotes, ut præter illos tres supra dictos, eorū vnus, lectionem casuum conscientie, possit profiteri; ut sacerdotes illius regionis, qui parum erunt in ijs versati, hac in parte, quæ eis est necessaria, iuuari possint, quo ipsi melius officium suum faciant ad Diuinam gloriam. Vbi verò tales undecim, aut duodecim Magistri, ac sacerdotes conceduntur, totidem saltem scholastici instituendi erunt ad operis perperitatem (vt superius dictum est) Minister etiam vnus cum sex coadiutoribus. Itaque minimus numerus complebit triginta, extra Correctorē, in similibus Collegijs
- 4 Si Collegium præter supradicta, artium liberalium

30 FORMVLA ACCEPT. COLL.

curſus volet ſuſcipere, vltra illum numerum noſtro-
rum, viginti addendi erunt, partim præceptores, par-
tim diſcipuli; ita vt omnes ſimul conſiciant numerum
quingagenarium.

Si Societas alicuius Vniuerſitatis, aut generalis ſtu-
dij curam ſuſceptura eſſet, adiungeretque ſupradictis
Scholaſticam Theologiam, & Sacram Scripturam;
huiusmodi onus admittere non debet, niſi commodè
prouideatur, vnde ſeptuaginta, aut ijs plures collegæ
poſſint ali: vt ſuperiori numero accedant viginti, par-
tim præceptores, & partim diſcipuli: & expediret,
vt hic numerus, adhuc augeretur, quo nõ tantum opus
huiusmodi perpetuo duraret, verum etiam ex eo Colle-
gio inſignes aliqui operarij poſſent excerpi, ad com-
mune bonum in his, & illis locis promouendum.

In Collegijs, vbi Societas proprias non habet ſcho-
las, præter ſcholaſticorum numerum, ſunt etiam neceſ-
ſarij Rector, ac Miniſter; & ſi magnus numerus inibi
eſſet adhuc Subminiſter: Coadiutores verò ſecundum
numerum Collegarum.

In huiusmodi verò Collegijs, collocari poterunt ope-
rarij, ſecundum commoditatem, quam habet Societas,
& diſpoſitionem meſſis in populo.

Formula



FORMVLA CONGREGATIO

Ex 3.
congr.
d. 53.

nis Prouincialis a tertia Genera-
li Cōgregatione approbata.

QVIBVS IN CASIBVS CON-
gregatio prouincialis cogi debeat.

I Quatuor in casibus cogēda est Cōgrega-
tio Prouincialis. Primus est, ad eligendos ele-
ctores Præpositi Generalis, iuxta tertium ca-
put octauæ partis. Secundus, quādo occurreret
aliquis ex ijs casibus qui in secundo, et tertio ca-
pite octauæ partis, et quinto capite nonæ partis, attinguntur. Tertius, quando eligendi sunt hi, qui cū Prouinciali ad Congregationē generālē sunt mittēdi, quæ ab ipso Præposito viuentē ad aliqua grauiā negotia cogitur, prout quinto capite octauæ partis dicitur: vel cum Congregatio Procuratorū simul cū Assistentibus et ipso Generali, cogendā esse decernūt, iuxta decretū vigesimū quartū secundæ congregationis Generalis. Quartus est ad eligēdos Procuratores qui tertio quoq. annō a fine Cōgregationis Generalis cōputando ex singulis Prouincijs ad Præpositū Generalem mittendi sunt iuxta declarationē secundi capitis octauæ partis & prædictū Decretū vigesimū quartū secundæ Cōgregationis.

Circa
8 par.
const.
Cap. 3
§. 1.

QVIS, VBI, ET QVANDO DEBEAT
Congregationem Prouincialem conuocare.

2 Spectabit ad Præpositum Prouincialem,
vel ipsius loco ad Viceprouincialem, Congre-

D 3 gationem

gationem huiusmodi indicere, quocunque ex prædictis casibus cogenda illa sit.

- 3 Eiusdem erit locum commodum, & idoneum designare quo debeant conuenire, & tempus etiam præscribere quod opportunum sit, ut ea absoluta, qui electi fuerint ad locum congregationis generalis celebrandæ designatum, vel ad Patrem Generalem tempore præscripto commodè venire possint. Non durabit autem Congregatio provincialis, ultra decem vel ad summum duodecim dies.

QVI CONGREGARI DEBEANT.

- 4 Intererunt, & suffragij ius habebunt in Congregatione provinciali (in quocunque ex quatuor casibus prædictis cogatur) in primis ipse Præpositus Provincialis, et si quis Commissarius, vel Visitator, iam officio suo defunctus (nam si eius officium adhuc perdurat Congregationi adesse non debet) in aliqua prouincia eo tempore versabitur quo celebranda est Congregatio. Præpositi præterea Domorum professorum, Rectores Collegiorum Societatis, & Domorum probationis, quæ separata & Prouinciali immediatè subiectæ fuerint, vel Vicepræpositi Prouinciarum et Domorum, ac Vicerectores (si accideret in aliqua Prouincia, Domo, vel Collegio eo tempore non inueniri Præpositum, vel Rectorem, aut legitime impeditum esse) vel ij, quos hi miserint suo loco. Rectores etiam qui præsunt Seminarijs,
vel

vel Conuictoribus, ubi curam huiusmodi suscepit Societas, si tamen nouem de Societate ut minimum in eiusmodi Collegijs, & immediatè Prouinciali subditi fuerint.

5 Inter sint etiam præter hos omnes Professi quatuor votorum (exceptis ijs, qui post cognitam Præpositi Generalis mortem ad eam prouinciam ex alia missi fuissent ne in duabus diuersarum prouinciarum Congregationibus suffragiū habere quisquā possit) quotquot non fuerint legitimè impediti, vel necessario occupati, & huius legitimi impedimenti, ac necessaria occupationis, iudex erit Prouincialis ipse cum Consultoribus & Professis quatuor votorum qui fuerint in eo loco ubi ipse erit, ad plura suffragia.

6 Præterea venient procuratores, unius vel plurium prouinciarum, & ubi tales non fuerint, venient procuratores maximi Collegij inter omnia collegia in qua uis Prouincia, modo sint Sacerdotes, & Coadiutores formati, aut trium votorum Professi, & non sint legitimè impediti, ut de professis dictum est. Porro nec Vicarius generalis, nec Assistentes Congregationi prouinciali interesse debebunt, aut etiam poterunt.

7 Quæ autem impedimenta excusare debeant, vel Prouincialem, vel aliquem electum in Congregatione prouinciali, quo minus ad Congregationem, vel ad Præpositum Generalem veniat; si Congregatio prouincialis non erit dissoluta ipsa statuet per vota secreta, si disso-

luta fuerit de electorum impedimentis statuatur ipse Prouincialis cum suis Consultoribus & professis quatuor votorum presentibus ad plura suffragia, an legitima sit excusatio; quod si impedimentum Prouinciali acciderit, Consultores ipsius & Superior loci, ubi Prouincialis erit, cum Professis quatuor votorum presentibus ad plura suffragia decernent, an huiusmodi impedimentum legitimum censendum sit.

DE ELIGENDIS IN CONGREGATIONE Prouinciali.

8 Si agitur de mittendis ad Congregationem Generalem, quinque professi quatuor votorum eligi debent, in primis duo Electores Trapositi futuri iuxta Constitutiones capituli tertij et quinti, partis octauae, vel in quocunque casu comitaturi Prouincialem ad Congregationem generalem.

9 Deinde eligendus est tertius, ut ex duobus praedictis & ex eo conficiatur ille ternarius ex quo vnum Prouincialis suo loco mittere debet iuxta declarationem tertij capituli octauae partis, si impeditus legitime iudicabitur. Praeterea quartus & quintus addantur, ut subrogentur in locum duorum qui electi primo fuerunt & cum Prouinciali ad Congregationem venient, si legitime et ipsi impederentur, ita ut si solus Prouincialis excusatus habeatur, tertius veniat; et si aliquis ex duobus primis comitibus, non autem ipse Prouincialis se excusabit, tertius nihilo minus veniat, et si uterque ex
primo

primo electis excusandus iudicabitur, tertius & quartus eorum loco subrogentur; quintus autem non subrogabitur, nisi ultimo loco, quando ex alijs nominatis propter legitima eorum impedimenta non potest impleri numerus duorum, qui cum Prouinciali, vel Viceprouinciali venturi sunt ad Congregationē generālē.

10 Si agitur de electione Procuratorum, in primis qui præst prouincie eligi non poterit, ut tertio quoque anno ad Præpositum Generalem veniat, ne prouinciā suam deferere cogatur. eligi autem debebunt duo professi quatuor votorum, vnus primo loco, & alter secundo, qui subrogetur in locum prioris, si ille propter legitima impedimenta venire non poterit.

11 Ex transmarinis prouincijs veniant Procuratores Professi etiam quatuor votorum a Prouinciali cum Cōsultoribus & professis quatuor votorum præsentibus ad plura suffragia electi, ut simul cum alijs Roma de Cōgregatione generali cogenda deliberaturi, cum suffragio intersint, si tamen prædicti Electores in prædictis locis iudicabunt commodè non posse mitti talem procuratorem, licebit eis vel professum triumvotorū mittere, vel Coadiutorem spiritualem formatū, vel in sequens triennium differre missionem.

DE REBUS TRACTANDIS IN CON- gregatione Prouinciali.

12 Post electionem personarum, agendum est de rebus, quæ vel Præposito, vel Congregationi generali, nomine

mine illius provinciae proponendae sunt, & si agitur de Procuratore mittendo tertio quoque anno, in primis agatur de rationibus, quae mouere possunt ut Congregatio generalis celebrari debeat, vel non celebrari: deinde de negotiis uel in Congregatione generali, vel cum ipso Patre Praeposito, aut Congregatione procuratorum tractandis.

- 13 Cum mittuntur procuratores, ea proponantur, quae ad veram & utilem informationem Patri Generali dandam (scilicet de statu totius provinciae, Domorum, Collegiorum, negotiorum, demum de tota ratione gubernationis in provincia, & quomodo Superiorum ordinationes obseruatae sint) in dicta Congregatione expediet tractare iudicio Deputatorum; et ipsius congregationis nomine, Generali referre. Quidquid autem congregationis nomine proponetur, aut petetur, subscriptum sit a Secretario, et obsignatum, quae vero vel ab ipso Prouinciali, vel ab alijs verbo, vel scripto ei dicentur, ut Patri Generali referat nomine ipsorum, non Congregationis referre debet.

- 14 Cum rationes proponuntur ad suadendam, vel dissuadendam Congregationem generalem, nihil in alterutram partem statuatur, hoc enim procuratorum est, cum fuerint apud Generalem cum Assistentibus congregati qui proponunt eas, prout eis dictae fuerint Congregationis prouincialis, vel aliorum nomine.

- 15 Intelligat Congregatio prouincialis non sibi licere quidquam constituere praeter ea, quae in hoc officio expressa

pressa erunt: unde neque infirmare, vel imutare ea, quæ a Superioribus iam ordinata fuerunt, poterit.

DE MODO PROCEDENDI CIRCA
Congregationes Prouinciales.

- 16 Superiores antequam discedant ad Congregationem prouincialem, informatione accepta ab ijs, quos ex suis domesticis bene sentire de rebus tractandis indicabunt (non prohibendo alios, quin possint priuato nomine vel consultoribus offerre, vel ad Congregationem prouincialem mittere, quæ volent) conferant cum suis consultoribus, quæ ad Congregationem prouincialem sunt deferenda.
- 17 Elapso die ad conueniendum præfixo, sequenti die congregentur omnes, qui affuerint ex ijs, qui habent ius suffragij, & habito in primis a Præposito Prouinciali, vel ab alio per ipsum designato, sermone breui, in quo proponantur in genere, quæ agenda sunt, omnes hortetur, vt sincere in omnibus se gerant. Deinde an legitima Congregatio sit censenda, ad plura suffragia decernant. Terrio verò loco, eligatur Secretarius etiam ad plura suffragia, qui omnia, quæ fuerint acta in Congregatione, mandet scriptis; & ijs, quæ vel ad Præpositum, vel ad Congregationem generalem, nomine Congregationis mittenda sunt, subscribet & signabit sigillo Prouincialis. Ei autem adiungatur vnus ex Patribus eodem modo electus, qui ad colligenda suffragia, & reliqua

qua scribenda ipsum adiuuet.

18

Eodem modo eligantur duo ex primarijs patribus, qui vna cū Præposito Prouinciali seligāt, quæ sint Congregationi prouinciali proponenda, quæ reijcienda, iudicio saltem duorum ex ipsis; atque illa tantum ibi tractanda curent, quæ maioris momenti videbuntur, & quæ possint tempore Congregationi præfixo absolui: liceat tamen unicuique quæ a Deputatis reiecta fuerint, vel in Congregatione proponere (dummodo de personis non agatur) vel ad generalem Congregationem, seu Præpositum transmittere, si iudicio Deputatorum non acquieuerit. Ad hos autem deferant omnes, qui ad Congregationem venerint, intra diem vnum, aut alterum sequentem post electionē mittendorum, omnia, quæ Congregationi proponenda attulerunt, assigneturque dies, in quo facienda sit electio eorum, qui ad generalem Congregationem, vel ad Præpositum sunt ituri, qui dies tertius, vel ad summum quartus sit a die, quo fuit aperta Congregatio Prouincialis, habita prius informatione de qualitatibus mittendorum, iuxta Decretum vigesimum quartum secundæ Congregationis, & iuxta declarationem secundi capitis octauæ partis, si agitur de Procuratoribus, si autem de Congregatione generali iuxta secundum & tertium caput octauæ partis.

10

In sedendo & dicendo hic ordo seruabitur, vt ad dexterā Prouincialis sedeant Professi omnes quatuor

votorum

votorum iuxta suæ professionis antiquitatem, siue sint superiores, siue non; ad sinistram verò Rectores iuxta antiquitatem suæ professionis trium votorum, vel admissionis in Coadiutores formatos, si verò tales nō fuerint, iuxta antiquitatē sui ingressus in Societatem; postea Procuratores simili ordine antiquitatis.

20 Electionem personarum ad Præpositum Generalem, vel Congregationē generalem mittendarum ad plura medietate suffragia, eaque secreta fiant, sic tamen, ut si in primis duobus scrutinij nullus electus fuerit, in alijs consequentibus scrutinij, suffragia dentur tantum inter eos, qui aliqua suffragia antea habuerint.

21 Rerum verò tractandarum determinationes ad plura vota simpliciter definiantur, ut citius expediantur, nec ulla intercessio permittatur. Præpositus autem Prouincialis, vel eius loco Viceprouincialis, duo semper suffragia habebit in Congregatione. Quæ porro fient in Congregatione prouinciali, legantur die sequenti a Secretario, ut omnes videant, an rectè facta sint.

22 In principio Congregationis Prouincialis affigatur muro catalogus, omnium Professorum quatuor votorum, qui in Prouincia versantur tam absentium, quàm præsentium, ut omnes sciant, e quibus possint eligere eos, qui Romam sunt mittendi.

23 Cum autem capiatur de personis eligendis informatio, illud præcipuè animaduertendum est ut nullus per se, vel per alium, pro se vel pro alio ne indirectè

quidem

quidem suadeat, ut se vel, alium eligant, aut non eligant, sed fiant potius electiones omnes sincerè & candidè ex ijs, quæ Spiritus Sanctus dignabitur suggerere, & quæ ex informationibus didicerint. Nemo itaque alteri obtrudet informationem non petenti, caueanturque diligenter non solum mendacia, sed etiam exaggerationes in laudandis, vel vituperandis eis, de quorum agitur qualitatibus.

- 24 Si quis autem (quod auertat Deus) ambitiosè agere deprehensus fuerit ad sui, vel alterius electionem, vel exclusionem, si id probabitur sufficienter, actiua, vel passiva, vel utraque uoce priuetur iuxta delicti gravitatem, & probationis certitudinem: & quidem si ambitio publica esset, punitio quoque publica esse debet. Iudicabunt autem causam hanc Provincialis, & tres ex antiquioribus professis, vel si ipse Provincialis reus esset, quatuor antiquiores professi ex ijs, qui Congregationi provinciali intersunt, & saltem tres ex illis conuenire debent in eandem sententiam.

DE IIS QUAE PROCURATORES

Romæ agere debent.

- 25 Postquam ad Generalem venerint Procuratores, agent tum de informatione Præposito Generali danda, iuxta illa, quæ ex suis provincijs attulerunt; tum de Cōgregatione generali; an scilicet, conuocari debeat nec ne accepta informatione ab ijs tantum qui ius habent suffragij iuxta Decretum vigesimum quartum secundæ Congre-

Congregationis, & præsertim quomodo seruentur constitutiones & Decreta Congregationum, & regulæ, an disciplina religiosa relaxetur, an in spiritu, & virtutibus proficiat Societas, an potius deficiat, quomodo unio animarum se habet in societate, et an aliquod graue periculum illius labefactandæ metuaturs etc.

- 26 Deinde præmissa oratione & consideratione apud se, & coram Deo statuent, quam sint dicturi sententiã, & omnes simul in nomine Domini congregati ad plura medietate suffragia, die ad hoc statuto definient, an cogenda sit & quando, Congregatio generalis.
- 27 Si inter ordinationes vel responsa alijs prouincijs data (quæ videre debebunt) aliqua fuerint, quæ ad usum suarum prouinciarum secum ferenda existimabunt, id facere poterunt, iudicio Patris Generalis, vel eorum, quibus ipse commiserit.
- 28 Si ad Seminaria nostrorum scholasticorum, uel Nouitiorum in aliqua prouincia perficienda, vel ad transmarinarum, uel septentrionalium, aut aliarum prouinciarum necessitates graues, operarijs pluribus opus esset, quàm quos mittere Pater Generalis ex Vrbe possit, current, qui earum prouinciarum procuratores fuerint, Patri Generali suggerere, ut dispiciat, an alicuius prouinciæ abundantia, alterius inopiam supplere possit, & id, congregatis procuratoribus omnibus, facilius tractari poterit.

62
OFFICIUM VICARII

Ex 3.
congr.
d. 53.

Generalis a Tertia genera-
li congregatione ap-
probatum.

Circa
8. par.
const.
Cap. 4.
§. 1.

I Vicarius Generalis propter mortem Ge-
neralis Præpositi constituendus, vel nomina-
bitur ab ipso Præposito ante mortem, ut ha-
betur capite quarto Constitutionum & de-
clarationum octauæ partis, vel si ille non no-
minasset, eligetur a Professis quatuor voto-
rum, qui si in eo loco, ubi mortuus est, non
sint, saltem sex (tot enim ad minimum iudica-
tum est esse oportere) tunc cura adhibenda
erit, ut ex vicinioribus locis, utcumque illa
distent, is numerus conuocetur; quod si in di-
stantia equali plures fuerint, quam sex, om-
nes erunt ad electionem vocandi. Fiet autem
electio ad plura medietate suffragia, et iux-
ta Constitutiones cōmuniter eligatur ex ijs,
qui adesse Præposito, & ipsum iuuare soliti
sunt, vel certè ex ijs, qui proximè degunt, et
sunt in rebus Societatis versati, præmissa per
biduum oratione & informatione iuxta ra-
tionem informationis, quæ in electione Gene-
ralis seruari solet. Illud tamen biduum com-
putandum

putandum est à sepultura Patris Generalis. Interim tamen gubernatio Societatis erit in ordinarijs Superioribus. Electioni verò Romæ quidem præerit Prouincialis Romanus, si aderit, sin minus, Minister Domus, si fuerit quatuor votorum professus. alibi verò, qui præest toti prouinciæ, vel ipso impedito, antiquissimus ex professis quatuor votorum.

- 2 Vicarij officium, durat vsque ad electionem Præpositi Generalis, & duplex quidem est. Alterum est, Societatem, ad electionem Præpositi faciendam, præscripto tempore & loco quo conuenire oporteat, conuocare, vt habetur Constitutionum parte octaua capite quarto. Alterum est, Generalis vices gerere in gubernatione Societatis, donec nouus Præpositus electus fuerit, vt habetur Declarationum parte octaua capite quarto. Vicarius itaque simul atque creatus fuerit, dabit operam, vt Missæ & orationes in vniuersa Societate, pro anima Præpositi mortui fiant, deinde ad conuocandam Societatem ad noui Præpositi electionem primo quoque tempore diligentissimè incumbet, Præpositos Prouinciales certiores faciat, locum Congregationis et tempus quinque, aut sex mensium iuxta Constitutiones præscribat; prorogari tamen poterit, cum necessitas postulauerit vel initio, vel antequam Patres conuenerint, arbitrio ipsius Vicarij, & Assistentium ad plura suffragia. Quando verò aliqui Patres conuenerint, non poterit sine illorum suffragijs prorogatio fieri iux-

ta decretum trigesimum tituli secundi primæ Congregationis: Missas & orationes pro felici electione Præpositi indicat: Cōgregationes prouinciales ut ritè fiât, admoneat: & si post electionem Præpositi alia negotia grauiora tractanda in Congregatione sint, ad quæ discutienda, vel definienda, aliorum opera, præterquàm duorum electorum a Congregatione Prouinciali, necessaria videatur, Prouinciales admoneat, qui adducendi erunt, ut eos adducant iuxta Constitutiones.

3 Antequam congregata sit Societas, potestatem habeat Pater Vicarius, qua possit solus iubere, quæ ad conuocationem attinent iuxta Constitutiones, solus tamen non potest prorogare tempus Congregationis, ut decretum est in actis posterioribus primæ Congregationis titulo secundo decreto trigesimo: postquam autem sunt Patres congregati uel omnes, uel eorum maior pars post tempus definitum, solus non poterit ea, quæ ad electionem pertinent, definire, sed si quid emerget dubij, uel difficultatis, id erit per congregatos simul cū eo determinandum; executio uerò Vicarij erit.

4 Vbi autem dies constitutus, & terminus præfixus uenerit, ad quem uenturi sunt Patres, eos, qui iam conuenerunt, conuocabit, modo excedant duas tertias partes, eisque rationem eorum, quæ facta sunt post mortem Generalis, ad Congregationem pertinentia, reddet; & reliqua omnia, quæ ad ritè electionem faciendam, pertinere uidebuntur Congregationi, curabit; quæ petenda sunt

sunt tum ex Constitutionibus, tum ex Decretis ante electionem.

5 Alterū officii Vicarij est, Societate uniuersam gubernare. Verum ita est illam gubernaturus, quasi Vicarius Præpositi demortui, non quasi Præpositus. quare illam ita gubernabit, ut sibi tradita est. Nullam igitur immutabit gubernationis rationem, nihil propriæ institutionis, nullam nouam regulam, nullum ritum, nullam consuetudinem, aut inducet, aut introductam mutabit (quod vtique uel Prouincialibus Præpositis, uel Cōgregationibus minus licebit facere) sed ad spiritum, & sensum Generalis demortui se componet, illius comper tam uoluntatem sequetur, incertam coniectabit. Itaque quoad poterit, debebit suo ministerio quasi uiuū, ac præsentem Generalem illiusque gubernationem repræsentare.

6 Quocirca eisdem Assistentibus, Admonitore, Secretario, Procuratore, quibus utebatur Præpositus Generalis, utetur Vicarius ad gubernandam Societatem, eisdem Præpositis, Rectoribus, Præfectis probationū, et alijs officialibus primarijs, qui creantur a Generali; quos mutare ei non licet, uel nouos creare, nisi forte aliqui eorum morerentur. & alij in illorum locum, usque ad electionem Præpositi Generalis substituendi essent. vel aliquæ grauissimæ causæ intercederent, propter quas aliquis illorum ab officij executione, tollendus, vel suspendendus uideretur, iure suffragij nihilo minus

ei relicto, & hoc quidem non sine consilio *Assistentium*, de quorum etiam consilio, & suffragiis eligeat *Admonitorem*, si forte ipse fuerat *Admonitor* *Præpositi* *Generalis* demortui, & in *Vicariū* electus est.

7 Eadem de causa res omnes graves, & maioris momenti, quæ differri usque ad electionem noui *Præpositi* poterunt, quando illa breui futura est (quoad eius fieri poterit) differet, & ad nouum *Præpositum* *Generalem* remittet.

8 Quocirca nullam *Domum*, nullum *Collegium*, nullam *Vniuersitatem*, vel *Domū* probationis instituet; quæ si offerantur, ita negotium foundationis tractabit, ut si in rem *Societatis* apertè futura sint, & omni difficultate careant, eos, qui fundatores esse volunt iubeat bene sperare, si quid verò difficile, aut dubium sit, alet ipse eorum bonam voluntatem, nihil certi promittet, rem totam ad *Generalis* creationem reseruabit. Ad professionem admittere etiam, vel designatum a præmortuo *Præposito*, vel in ijs, quæ ad professionem attinent, dispensare non poterit *Vicarius*, neque *Professum* aliquē, vel *coadiutorē* formatū a *Societate* dimittere.

9 Circa contractus, ad quos facultatem habebit, sic explicatur decreto septuagesimo primo secundæ Congregationis, ut non possit de vendendis, vel alienandis bonis stabilibus *Societatis*, nisi res sit in euidentem utilitatem, & necessaria, quæ moram non patiatur, et cum consensu *Assistentium* ad plura suffragia.

Circa

10 Circa missiones Professorum, siquid urgeret, potest Generalis uti poterit, consultis Assistentibus, eos tamen, qui vel electi sunt a Congregationibus Prouincialibus, vel qui eligi possunt, ut Congregationi Generali intersint, ante factam electionem, neque ex alijs Prouincijs ad se euocabit, neque ad ea loca mittet, unde ad electionem commodè venire non possint; nec etiam ad infideles, neque ad partes remotas, quæ maiorem considerationem requirunt, nisi forte in ijs aliquid tam graue, & vrgens accideret, ut Assistentium iudicio res differri non posset.

11 In vniuersum cum Assistentibus consultare debet res omnes grauiiores, non minus, immo magis quàm Præpositus generalis, quandoquidem minorem habet auctoritatem, minorem experientiam, minus diuturnum regendæ Societatis munus. Sic enim plus ponderis habebunt apud illam, quæ ipse constituet. Quamobrem quæ sunt Præposito vita functo, vel constituta, vel concessa, non temere, nec sine grauissima causa vel infirmabit, vel reuocabit. Litteras verò, quas Vicarius scribet vel a Prouincijs accipiet, Assistentibus ostendet.

12 Si noui Præpositi electio, aliquo casu ultra sex menses a Cõstitutionibus præscriptos differatur, et aliqua graua acciderent, quæ vsq. ad eius electionem cõmodè differri nõ possēt, Vicarius Generalis, auditis Assistentibus, id statuatur, quod ad maiorem Dei gloriam, & Societatis utilitatem magis fore iudicabit.

Ex 3.
congr.
d. 53.

CANONES, EX ACTIS
TERTIAE CONGREGATIO-
NIS GENERALIS ANTE
ELECTIONEM, DE
SVMPTIQ VIBVS
INCLVDVN-
TVR

ea, quæ ex prioribus Congrega-
tionibus ante electionem ob-
seruanda uidebantur, reco-
gniti, & confirmati post
electiones ut uim ha-
beant in futurum.

PRIMVS CANON.

Circa
8. par.
const.
Cap. 6.

*Cum Generalis Congregatio indicta fue-
rit a Patre Vicario pro electione noui Præpo-
siti Generalis, & spatium temporis conuocã-
di ad hoc Societatem iuxta Constitutiones
fuerit elapsum, inchoari poterit Congregatio,
si iam duæ tertiæ partes electorum a suis pro-
uincijs aduenerint, & quidem si ex singulis
prouincijs vocati fuerint procuratores ad tra-
ctanda negotia post electionem Generalis.*

NOB

non admittentur in Congregatione ante electionem, neque ad acta, quæ in illa fiunt. Ordo autem sedendi in Congregatione, & dicendi sententias, huiusmodi erit, ut ad dexteram Patris Vicarij sedeant Patres, qui superstes fuerint ex decem primis, deinde simul Assistentes, & Trnunciales, ordine antiquitatis in sua professione inter ipsos seruato, postea vero eodem ordine ad sinistram reliqui professi electores de quorum legitima vocatione, & iure suffragij ad electionem Generalis Patri Vicario, & Assistentibus, ex actis singularum Congregationum provincialium, vel ex alio sufficienti testimonio constiterit. Siquid verò dubij in aliquibus particularibus inuenerint, id totum ad generalem Congregationem quamprimum referent, non admissis ijs, de quibus legitime dubitatur, donec ipsa Congregatio de illis constituerit.

- 2 Decernatur primum a Congregatione, eos, qui ad sunt, Congregationem Generalem legitimam, & plenam conficere, quod si Pater Vicarius, & Assistentes de aliquorum electorum legitima electione, aut vocatione dubitauerint, id referant (ut paulò ante dictum est) ad Congregationem: ut de illis, antequam ad illam admittantur, sigillatim ipsa statuatur, quid agendum sit.
- 3 Proponatur Congregationi, an suppleri debeant omnes defectus, si qui forte acciderint, tam in Congregationibus provincialibus, quam alijs quicunque.

- 4 Secretarium per scrutinium secretum eligit Congregatio

figent, nec duo suffragia habebit Vicarius generalis, sed solum suffragij prærogatiuam.

- 8 *Ad hos autem deputatos singuli electores, & procuratores ferent, quæ habent a suis Congregationibus provincialibus, vel quæ ipsi notarunt ad hoc negotium pertinētia. Si uero alij ex nostris extra numerū electorū et procuratorū, aliquid huiusmodi deputatis proponerent, non erunt reiijciendi, tamen non sunt prouocandi, ut hoc faciant. Verum eorum informatio non nisi scripta, et subscripta ab ipsis recipiatur. Interrogatorium autem a deputatis confectum, non oportereb, ut publicè in Congregatione legatur; sed satis erit, si singulis electoribus ante incæptum quadriduum communicetur. Necesse tamen erit, ut deputati ab electoribus interrogati circa intelligentiam, vel explicationem interrogatorii, eos informēt de statu Societatis in huiusmodi rebus, & de ijs, quæ ipsa passa est, vel passura timeatur, quatenus ad bonam electionem futuri Generalis utile erit.*

- 9 *Si quædam maioris momenti, ad electionem spectantia, Congregationi proponantur, vno die hæc proponi debent rationibus utrinque adductis (& si in his maior informatio desideraretur, ea a Vicariis vel ab alijs electoribus petenda est) & sequenti die dicantur sententia. Hæc vero, & omnia, quæ ante electionem tractanda erunt ad plura suffragia decernantur. Si quæ autem leuiora proponerentur pro arbitrio Patris Vicarij, non*

contradicente Congregatione, aut eodem, aut alio die tractentur. nihil tamen Congregationi generali ante electionem erit proponendum, quod non ad ipsam electionem pertineat: & quæ proponenda videntur, prius a Patre Vicario cum Assistentibus ad plura suffragia determinantur; si quis verò postea non fuerit cōtentus, licebit illi proponere Congregationi.

- 10 In actis ante electionem, Vicarius habebit solum qualitatem præcedendi cæteris paribus, tam suffragis, quā qualitatibus: nulla tamen sufficiet qualitas suffragiorum ad electionem Præpositi, sed numero medietatē omnium suffragiorum excedi oportebit.
- 11 Proponatur ante quatrimum, an expectandi sint absentes ad electionem Præpositi faciendam: & si decernatur, non esse expectandos, nihilo minus suus illis locus seruandus erit in Congregatione, si venerint.
- 12 Primo die quatrui, manē eligatur Assistēs per scrutinia secreta, post cuius electionem Pater Vicarius suam habebit orationem iuxta Constitutiones.
- 13 Quatruiduo ante electionem professi non egredientur domo sine licentia Patris Vicarij (cui liberum erit egredi, si quando opus esse iudicaret) ut orationibus, missis quotidie dicendis, ieiunijs, & alijs corporis afflictionibus, & informationibus etiam vacent. De partitione autem ieiuniorum, disciplinarum, & orationum, quæ fieri debebunt in eo loco, ubi Congregatio habebitur, Pater Vicarius illam pro suo arbitrio faciet.

CONGREG. ANTE ELECT. 73
DE RATIONE INFORMATIONIS
ad electionem Præpositi Generalis.

- 14 *Videndum est, qui debeant informationem petere, a quibus ea peti, de quibus personis, de quibus rebus, quomodo peti debeat, postremo, quo modo petenti respondendum sit.*

QVI DEBEANT PETERE.

- 15 *Omnes electores nemine excepto, informationem petent.*

A QVIBVS PETI DEBEAT.

- 16 *Ab ijs solis, qui ad Congregationem vocati sunt, siue sint electores, siue procuratores, & in quadriduo dumtaxat; ita tamen, ut procuratores, a quibus peteretur, teneantur eandem legem subire ratione informationis, quam electores. de qua lege, & informandi modo, procuratores ipsi per Secretarium prius informari debeant.*

DE QVIBVS PERSONIS

peti debeat.

- 17 *De quibus venit in mentem unicuique, quod possent esse idonei ad munus Præpositi Generalis, siue absentes, siue præsentès sint, inter professos tamen quatuor votorum.*

DE QVIBVS REBVS PETI

debeat.

- 18 *In genere loquendo ijs de rebus, ex quibus indica-*

ri potest, quod aliquis sit idoneus ad munus Præpositi obeundum, vel contra. Itaque defectus, qui bonæ gubernationi aduersari possunt, & peti & dici debent, omittis illis, quæ ad bonam Præpositi electionem non faciunt; & hæc omnia iuxta Constitutiones, & præcipue iuxta secundum caput nonæ partis, et iuxta interrogatorium, quod a deputatis conficietur, ut dictum est. sed et habenda est ratio eorum, quæ in secundo, & tertio capite examinis, & etiam secundo & tertio capite primæ partis Constitutionum dicuntur. Ex ijs enim quisque sibi interrogatorium ad informationem conficere potest, nemo tamen arctandus videtur, quin interrogare possit alia, quæ interroganda præterea iudicauerit. Peti etiam debet ab eo, qui reddit informationem, an quid aliud habeat dicendum de persona, de qua interrogatur, & an de alia sentiat capiendam informationem, & an ab alio quopiam aliqua in re clariorem, ac certiore informationem habere possit, inter eos, a quibus peti debet informatio.

QVO MODO PETI DEBEAT

informatio.

- 19 Non petat an hic vel ille aptus videatur ad hoc munus nec ne; sed de rebus illis, ex quibus iudicari possit, an sit idoneus nec ne. eius intentio sit pura ab affectibus humanis, etiam naturalibus, ne dum vitiosis; & tantum gloriam Dei, & meliorem Societatis gubernationem (quæ ad commune bonum animarum ordinatur)

præ

præ oculis habeat, & non propriam utilitatem, quæ illi non consonat.

20 *Nec solum ab omni ambitione pro se, & alijs sit liber, sed diligenter observare debet, ne voluntatis propensionem ad hunc, vel illum excludendum, vel admitterendum habeat, quoad eius fieri potest, donec post orationem, & informationem suo tempore et loco statuatur, quam sententiæ sit dicturus; nec eam præ se ferat. Cum informationem aliquam de aliquo accipit, servet alteram aurem alijs, & cor Deo, memor, quod cum iuramento est electurus, quem aptissimum duxerit. Siquid tamen intellexerit, quod secretum teneri debeat, cum alijs, præterquam cum electoribus, in informatione silentium teneat, memor charitatis, et in virtute sanctæ obedientiæ in re tantum gravi, non in qualibet. Non existimet quisquam electorum se minus gratum futurum ei, cui non dederit suum suffragium, & de quo liberè secundum conscientiam informaverit; quin potius eidem & universæ Societati, et Deo rem gratissimam se facturum sciat.*

21 *Post informationem consideratio, & discussio necessaria est, & multo magis oratio, quæ illustrationem impetret a Deo sapientiæ fonte, ad benè iudicandum et eligendum eum, qui Deo maxime sit placiturus. & in hac diuina gratia potius, quam in humana diligentia, spem constituat. meminerit tamen non solum voluntatem, sed iudicium cohibendum esse ab ultima definitione, iux-*

ne, iuxta sextum caput octavae partis, donec in locum inclusionis ingrediatur.

QVO MODO RESPONDERE

debet is, a quo petitur informatio.

- 22 Nemo obtrudat informationem non petenti, & qui obtruserit, deferatur: caueat & ipse affectus humanos, non solum ambitionis, sed etiam cuiusvis propensionis, quæ non ducatur ex intentione honoris Dei, communis boni, & bonæ gubernationis Societatis. Et ut dictum est de petente, sic de dante informationem intelligatur; nec ad promotionem, nec ad exclusionem ullius incumbat, nec propensam ad id voluntatem ostendat, sed ut de re speculativa, vel omnino ad se non pertinente, quod sentit, præcisè conetur explicare.
- 23 Non solum mendacia, sed amplificationes, & exaggerationes relinquantur, nihil temerè, sed consideratè, & maturè, certa pro certis, opinata pro opinatis referat: & qui aliquem defectum ab aliquo ex informatoribus audiuit, non referat alijs etiam interrogatus, sed ad eum, a quo audiuit, interrogantem remittet; ut qui coram Deo agit, & ei rationem est redditurus eorum, quæ in sua informatione dixerit.
- 24 Super illud sextum caput partis octavae, quod sub pœna excommunicationis lata sententiæ quisque teneatur manifestare, si quem sciret affectasse hoc munus, statuitur addendam esse censuram hanc, in eos, qui ambiunt pro alijs: & quod hæc censura se extendat ad informationē

formationem non synceram, eam scilicet, quæ studiosè mendax est, mala cum intentione, & in re grâui. De mum ipso facto ambitiosos pro se, vel pro alijs in excô municationem incidere decernitur a qua non possint ab solui ante electionem, nisi a Patre Vicario, post electio nem verò a Reuerendo Patre Generali.

25 Si Vicarius ipse notaretur de ambitu, deferendus esset ad duos antiquissimos professos, vel ad Prouin cialem antiquissimum pro deferentis arbitrio.

26 Pridie electionis vespere in loco electioni deputa to, parentur altare cum Crucifixo, suggestus, et mensa, vbi erit Vicarius & Assistens cum Secretario, & vrna, in quâ coniicienda sunt suffragia. Parentur item schedulæ quotquot erunt necessariae, in quibus ex vna parte scriptum sit iuramentum, ut est in Constitutionibus, incipièdo hoc pacto. Ego N. testè inuoco I E S V M Christum, qui est sapientia æterna, quod eum eligo, & nomino in Præpositum Generalem Societatis I E S V, quem sentio ad hoc onus ferendum aptissimum. Ex alia verò parte ponantur hæc verba. Eligo in Præposi tum Generalem Societatis I E S V, N. ita ut nihil de- sit electori scribendum, nisi nomen electi, & eligentis, & hoc manu propria, sed immutato (quantum fieri po terit) caractere, ne agnosci possit a tribus illis, qui suf fragia visuri & lecturi sunt; nomen tamen eligentis maneat ob signatum iuxta Concilium Tridentinum, in quo præcipitur Generales eligi debere per vota secre ta, ita

ra ita ut singulorum eligentium nomina numquam publicentur. Post promulgatum autem decretum electionis, statim comburantur suffragia in ipso Congregationis loco.

- 27 *Missæ de Spiritu Sancto, ipso die electionis celebrabitur, iuxta Constitutiones sexto capite octauæ partis, ab ipso Vicario, vel ab eo, quem elegerit: et quidem coram omnibus, & in aurora, & post eius communionem, statim electores communicabunt. Missa autem in Ecclesia celebranda erit, & eundem ordinem in eundo ad eam, & communicando, & redeundo, de quo supra dictum est, seruabunt. Incedant autem bini, & ad campam domesticam pulsum (quæ post communionem omnium usque ad inclusionem in loco Congregationis sonabit) hi, qui suffragia habent, ad locum Congregationis se conferent, Cruce præcedente, alijs de Societate interim canentibus, Veni Creator spiritus. quem hymnû submissa voce omnes electores in ipso loco Congregationis dicent: & post inclusionem electorum ijdem de Societate in Ecclesia, vel alibi dicent Litanas, & continuam orationem, quæ usque ad electionem durabit, habebunt.*

- 28 *Inclusis electoribus, per deputatos iã antea ad hoc electos, primû habeatur concio a deputato a Congregatione, qua, in genere exhortetur ad electionem eius Præpositi, qui ad maius Dei obsequium conueniat, nullo dato signo, quo particularis aliqua persona significetur: deinde*

deinde quisque seorsum oret Deum per horam, et cum nullo alio loquendo, in Creatoris sui, ac Domini conspectu ex ijs, quæ prius intellexit, apud se statuatur, quæ sit electurus.

29 Statim post orationem, tentandum erit scrutiniū, nisi prius communis inspiratio in eligendo quempiam, prauenisset ordinem. Quæ quidem inspiratio acceptari deberet, modo adeo luculenta, & notoria esset, ne vno dempto, ut nulla tergiuersatione negari posset diuinam esse inspirationem.

30 Iuxta Constitutionem octauæ partis capitis sexti ex ijs, quæ prius quisque intellexit, apud se statuet, quem sit electurus, et in charta scribet nomen personæ, quam eligit, locum illum declarando, statuitur, nouas informationes, quæ nullæ debent sumi in loco inclusionis, excludi debere, & ex præcedentibus cum gratia tam illustrationis diuinæ, quā discursus, accepta a Deo, & prius & eodem loco, electionem esse faciendā Præpositi Generalis, quem inter absentes, et præsentis, professos tamen quatuor votorum, eligi oportet.

31 Pater Vicarius, Secretarius, & Assistentis, antequam scribantur suffragia, iurabunt coram Deo (ut quadrat singulis) iuxta Cōstitutiones sexti capitis octauæ partis, se sincerè accepturos et publicaturos suffragia: & tam protestationis huiusmodi quam absolutio nis formula hæc est, videlicet. Testem inuoco Deum, cuius oculis omnia nuda sunt, me fideliter accepturum

& pu.

Et publicaturum suffragia: Et quæ ad officium meum pertinent, sincera cum intentione me præstaturum. Pro testor etiam in Diuinæ Maiestatis conspectu, Et vni uersæ Societatis, quam hic representamus, me neminem admittere velle, qui non sit admittendus, nec excludere, qui non sit excludendus; deinde subiungit Pater Vicarius.

32 Et auctoritate Dei omnipotentis, mihi, licet indignissimo, per Sedem Apostolicam, concessa, absoluo vos a quauis sententia excommunicationis, suspensionis, Et interdicti, Et a quibusuis alijs sententijs, censuris, pœnis; Et quantum sit opus, dispenso vobiscum super irregularitate quauis, dummodo sententias, censuras, Et pœnas, ac irregularitatem huiusmodi ob defectus ad electionem hanc pertinentes non incurreritis ad effectum legitimæ electionis. In nomine Patris, Et Filij, Et Spiritus Sancti. Amen.

33 Absolutio autem, quam antiquissimus professus dat Vicario eiusdem tenoris est, cum ea, qua ipse alios absoluit.

34 Post prædictam protestationem, et absolutionem, Secretarius dicat Vicario. Pater da tuum suffragium in nomine IESV. mox Vicarius surgens, flectet genua coram Crucifixo, Et signans se Cruce, in nomine Patris Et Filij, Et Spiritus Sancti, legat iuramentum a tergo schedulæ scriptum huius tenoris, vt dictum est. Ego N. testē inuoco IESVM CHRISTVM, qui

qui est sapientia æterna, quod eum eligo, & nomino in Præpositum Generalem Societatis *I E S V*, quem sentio ad hoc munus ferendum aptissimum. deinde surgens, & duobus digitis clausum suffragium suum ostendens, in urnam mittat; & se rursus inclinans coram Crucifixo, redibit ad locum suum, & mox dicet duobus socijs suis, & cæteris, omnes ordine ferant sua suffragia in nomine *I E S V*. Deinde surgens Secretarius & Assistsens, & postea reliqui, suo ordine sigillatim iuramentum facient, & sua suffragia ferent ad exemplum Patris Vicarij. Quod autem iurēt omnes se eligere eum, quem senserint in Domino aptissimum ad hoc onus ferendum etc. declaratum est, quod si quis duos, aut plures pares omnino iudicaret suo iudicio, integrum sit ei dare, cui voluerit, suffragium.

35 Deinde Secretarius ex urna, cum prius mixta fuerint suffragia, sigillatim extrahat, & cum reuerentia et modestia extracta, singula ostendet Patri Vicario, ille autem visa, & utrique socio ostensa, leget publicè, vel Secretario legenda reddet; & in hac promulgatione electus tantum nominetur, ob signato manente nomine eligentis, ut dictum est.

36 Post singulorum suffragiorum publicationem, conferetur numerus, si plures nominati fuerint: & qui plus quam mediam partem omnium suffragiorum habuerit, Generalis Præpositus erit; & Vicarius si ipse electus non fuerit, significet publicè, plura esse medietate suffragia

suffragia eius, qui eligitur. & postmodum formet decretum in hanc formam. Cum in plena, & legitima Congregatione, collato numero omnium suffragiorum, plusquam media pars omnium, Reuerendum Patrem N. nominauerit, & elegerit, Ego N. auctoritate Sedis Apostolicæ, & vniuersæ Societatis, eligo prædictum Reuerendum Patrem N. in Præpositum Generalem Societatis I E S V, In nomine Patris, & Filij, et Spiritus Sancti Amen. Romæ, vel alibi etc.

- 37 Si Vicarius ipse electus esset, eius loco significabit, & formabit decretum antiquissimus ex professis electoribus, scribeturque a Secretario decretum, & subscribetur ab eo, qui format illud, & sigillo Societatis obsignabitur, & statim omnes ad reuerentiam ei exhibendam accedant, incipiente Vicario cum Secretario & Assistente, ordine prius dicto, nisi aliquis ex ipsis electus esset. Postremo omnes ad Ecclesiam se conferent, canentibus alijs de Societate, Benedictus Dominus Deus Israel etc. inter eundem. Et in ipsa Ecclesia, Te Deum laudamus etc. & vnus sacerdos dicat tres orationes, primam de Trinitate, secundam in gratiarum actionem, tertiam de die, vel de beata Virgine; et usque ad egressum de Ecclesia, Præpositus non admittat oscula manuum ab alijs, quam ab electoribus.

- 38 Si in primo scrutinio nullus habuerit amplius quam medietatem suffragiorum ante compromissariorum electionem, de qua agitur sexto capite octauæ partis, tentandum

tandum erit secundum scrutinium inter omnes, qui habuerunt suffragium aliquod ad officium Præpositi. Et si nec tunc quidem crearetur Præpositus, eodem modo tertium scrutinium tentandum erit; si nec tunc quidem egrederetur Præpositus, quinque electores ad plura suffragia eligendi erunt, & ad quem maior pars eorum inclinabit, ille Præpositus erit. Reliqua autem, ut supra, facienda erunt.

- 39 Ad hos quinque electores eligendos, danda est una hora, & seruanda est formula scribendi, iurandi, & publicandi electores, similis illi, quæ ad Generalem eligendum data est. si acciderit duos uni, & totidem alteri suum dare suffragium, tunc decidetur a Congregatione, quid erit agendum. Hi autem compromissarii eligent Præpositum Generalem inter eos, qui aliqua suffragia habuerint, sepositis illis, qui ad tria non pertigissent, nisi huiusmodi plures essent, quam duo. Si verò duo, vel tres eminenter plura suffragia habuerint, quam alij, illi nec actiuam, nec passiuam vocem ad electionem compromissariorum habebunt. Si qua verò difficultas orietur, tunc a Congregatione statuatur, quid circa illam agendum sit. Atque hactenus de canonibus ante electionem dictum sit. qui quidem soli in futurum vim, & robur obtinere debeant.



Received of the Treasurer of the
 Board of Education the sum of
 Five hundred and no/100 Dollars
 for the purchase of books for the
 use of the schools in the City of
 New York.

Witness my hand and seal this
 10th day of March 1870.
 Mayor of the City of New York.

Attest:
 Clerk of the City of New York.



























BIBLIOTECA